



## Nonsense Song



Da rain widna stop, an da claes widna dry  
 An da windows rattled as da cars guid by  
 Da hens aa keckled, an da ship set sail  
 An da aald wife sat apon a forkietail



Da budgie cheepit, an da blackbird fled  
 An da hedgehug sleepit ida sheepdug's bed  
 Da fiddle widna tune, an da bow widna play  
 An da bairns aa ran aroond da beach aa day



Oh, da mice aa windered whaar da cat wis geen  
 An da broon coo jump apon a trampoline  
 Da firemen fiddled, and da postmen spak  
 An da bonxies waited fir da bus cam back

Da bakers bakit, an da seamen raise  
 An da pent aa dreepit on da penter's taes  
 Da phone widna ring an da boat widna rowe  
 An da stirlings sat apo da aald grey yowe



*Laureen Johnson*





## KEY WIRDS

NB: 'bow' rhymes with 'cow'

<b>bakit</b>	baked
<b>fir</b>	till <i>as in</i> 'waited fir da bus cam back'
<b>forkietail</b>	earwig
<b>raise</b>	rose, got up
<b>yowe</b>	ewe